



Synfocity = 719

mail us at : mzsynfo@gmail.com; mizoramsynod@gmail.com - Phone - 2314648

February 7, 2019

□ Missionary Tirthchhuah Inkhawm

February 3, 2019 (Pathianni) chawhnu dar 1:30 khan Dawrpui Presbyterian Kohhran Biak In-ah Synod Mission Board hnuaiia thawk tur Missionary tirthchhuah inkhawm neih a ni a.

Tirthchhuah inkhawm hi Rev. C. Zoramawia, Secretary, Synod Mission Board-in a kaihrui a, Dr. Robert S. Halliday, Coordinator, Synod Mission Board-in Missionary tirthchhuah tur te inhmelhriattirna a nei a, Rev. R. Lalhmingthanga, Synod Moderator-in tirthchhuahna hun hmangin thuchah a sawi a. Synod Moderator chuan 'Buh chu a seng hun laia seng anih loh chuan a hlawk tur angin a hlawk lo thin a, churang chuan tunah hian a seng hun laiin kan thawk chhuak dawn a, taima tak leh Pathian thu awih chungin rawng i bawl ang u. Pathian chuan mi awm mai mai hi a duh lova, a thu awiha a rawngbawl turin min duh a ni. India ramah hian rawngbawlna tur tam tak ala awm a, churang chuan awm mai mai lovin Pathian thu awihin a rawng i bawl mai ang u, mahni tana buai thin hi Pathian mithmuhah chuan mi awm mai mai kan lo ni thei dawn a ni. Lal Isuan a ram leh a felna zawng hmasa rawh u, a tih kha i hre thar ang u,' a ti a ni.

Tirthchhuahte aiawh atangin thutawi ngaihthlak a ni a. Mizoram Synod Choir leh Synod Mission Choir te hnen atangin Pathian fakna hla ngaihthlak niin Rev. K. Lalrinmawia, Executive Secretary, i/c Mission-in Missionary tirthchhuahte atangtaisakna hun a hmang a, Rev. R. Lalchangeliana, Dawrpui Bialtu Pastor-in Inkhawm hi Malsawmna-in a thin a ni. Missionary tirthchhuah Inkhawm hi Synod Puipa te, Synod Mission Board hotute, Missionary chungte leh Kohhranho mi 4000 chuang an inkhawm a. Kum 2019-a Missionary pension a chhuak te hnenah Citation hlan an ni bawk.

An hna tura ruatte:

Evangelist Teacher	- 27	Craft teacher	- 6
Evangelist	- 49	Office Assistant	- 1
Medical	- 3		

Field hrang hranga awm tur zat:

Arunachal East	- 2	Jharkhand	- 4
Arunachal North	- 8	Karbi Anglong	- 3
Arunachal West	- 10	Kolkata	- 15
Assam	- 6	Lucknow	- 2
Barak Area	- 11	Patna	- 3
Delhi	- 4	Odisha	- 7
Home Mission North	- 3	Siliguri	- 2
Home Mission South	- 1	Tripura	- 5

Region-wise-a kal tur zat:

Home Mission	- 4
North East	- 45
Central	- 37

□ Synod Ramthar Board Committee vawi 164-na

February 5, 2019 (Thawhlehi) chawhma dar 10:00 khan Synod Ramthar Board Committee vawi 164-na chu J.M. Lloyd Hall, Synod Office-ah an thu.

Committee hi Synod Moderator Rev. R. Lalhmingthanga'n a kaihrui a, Secretary Rev. C. Zoramawia'n reports a pe. Tun tum committee-ah hian thu pawimawh tak tak 10 zet ngaihtuah a ni. Thu ngaihtuah tur zinga langsar zualte chu - School excursion policy neih thu te, Arunachal & Assam Mission Field (North) Headquarters Aalo atanga Pasighat-a sawn chungchang te, Synod Mission Board hnuaiia Transfer & Posting mumal zawka tih thu te, Missionary lak tharte Training hun chung tihrei chungchang te leh Pay Commission 2018 avanga additional budget ngai te an ni.

□ Mission Board

February 6 - 14, 2019 chhung hian Home Mission North-a Mission School hrang hrangte tlawh turin Pu T. Lalchangeliana, Supervisor of Schools a kal.

□ Bookroom

◆ February 4, 2019 (Thawhtanni) zan khan Chawnpui Vengthlang Branch KTP sawmna angin Synod Bookroom leh Chawnpui Vengthlang chuan Literature Night an hmang a, Pu Lalniliana, Synod Bookroom Manager a kal.

◆ February 4 - 6, 2019 chhung khan Printing Seminar and Exhibition, N. Delhi-ah neih a ni a, Pu Lalhruiitluanga Ralte, General Manager, PRESCOM a kal.

Contd...

☐ **Kohhran Hmeichhia**

February 8 - 10, 2019 chhung hian Bial hrang hrangah Bial Kohhran Hmeichhe Inkhawmpui neih a ni dawn a. Bial inkhawmpui hmanpui turin Central Hmeichhe Committee member-te hmun hrang hrangah hetiang hian an kal ang:

Bial		Kal turte
Thingsulthliah Bial	-	1. Pi. K. Lalliantluangi, Chairman
Dawrpui Vengthar Bial	-	1. Pi Lalpianthangi Hrahsel, General Secretary
Vathuampui Bial	-	1. Pi P.C Lalmangaihi, Comt. member
		2. Pi R. Lalrampari, Comt. member
Kanghmun Bial	-	1. Pi K. Lalliantluangi, Chairman
		2. Pi Lalthanruali, Comt. member
East Lungdar Bial	-	1. Pi Rothangliani, Comt. member
		2. Pi Lalngaihzuai, Comt. member
Tlabung Bial	-	1. Pi Vanlalnghaki, Comt. member
		2. Pi Lalsangluaii, Comt. member
Pangbalkawn Bial	-	1. Pi Denghmingliani, Comt. member
		2. Pi Lalhliapi, Comt. member

☐ **Synod Revival**

February 12 - 16, 2019 chhung hian Synod Revival Camping Center, Neibawihah a duh apiang tan Camping buatsaih a ni dawn a. Speaker tur chu Lalremruata, Living Hope Ministry Team a ni ang. Camping Fee Rs. 100/- mi pakhat tan a ni a, Mutbu bakah Bible, Hla bu, Pen, Note Bu ken tur a ni. Camp neihna hmun Neibawih-ah Chhun dar 11 atanga tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. He campah hian mawhphur turin Ramhlun Vengthar Pastor Bial ruat an ni.

☐ **Campus Ministry**

February 5, 2019 (Thawhlejni) khan Apollo School of Nursing-ah hun an hman a. Director Rev. Lalchungnunga'n hun hmangin, 'Tunlai thalai tam tak nun tichhe mektu, Pathian thu tiansana nawmchenna tuipei zua min hruai luta Pathian hawisanna nun min neihtir hial thei LGBT (Lesbian, Gay, Bisexual, Transgender) chungchang a sawi a. Pu Chunga hian, 'Pathianin mipa leh hmeichhia ah min siamin chi inthlahchhawn dan tur ruahmanna fel tak min siamsak a, nupa nun pawh mipa leh hmeichhe (nupa) karah chauh hman tur a ni tih hi Kohhran inzirtirna pawh a la ni reng a, mahni anpui kawp chin leh mipat hmeichhiatna hmansual hi Sodom leh Gomorra anga Pathian ngeng chhuntu hremna khawp sual lian tak a la ni reng a ni a ti. Tin, sual hi a titu an tam avang emaw sawrkar lianin a pawm (legalised) avang ngawtin a sual nihna a bo chuang lo va, Pathianin a pawm zam phah ngai lo a ni a ti bawk.

☐ **Synod Relief Fund**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Bawngkawn Bethel	Kangmei tuar	4	Rs. 22,000/-
2.	Chawlhmun	Kangmei tuar	1 & Hosteller 17	Rs. 95,000/-
			TOTAL	Rs.1,17,000/-

☐ **Zin**

February 5 - 10, 2019 chhung hian Churachandpur-ah Manipur Area Committee meeting neiin Rev. R. Lalhmingthanga, Moderator, Rev. Lianhmingthanga Sailo, Senior Executive Secretary, Rev. R. Vanlalnghaka, Secretary (Sr.) leh Committee member-te - Rev. Dr. Lalmangaiha, Upa C. Lalmuankima leh Upa R. Vanlalduha te an kal.

☐ **Hruaina Eng TV Programme**

Susamachar Prasaran Programme

♦ **FEBRUARY 10, 2019 (Pathianni) 5:00 pm. :**

Group/Choir/Solo : Diphu Pastorate Choir - Lang tha sining, **Group/Choir/Solo :** Republic Veng Masihi Sangati - Chalo mere sath, **Sermon :** Rev Vanlalbela - Isu Jevan Data He, **Group/Choir/Solo :** Khatla Masihi Sangati - Ishu Tera Wada, **Group/Choir/Solo :** Tuikual Pastor Bial - Prabhu Mere

♦ **FEBRUARY 10, 2019 (Tv Programme) @ 4:00 - 6:00, 8:00 - 9:00 p.m) :**

Weekly Round Up, Missionary Tirchhuah Inkhawm 2019

☐ **Moderator Programme**

February 5 - 10, 2019	Churachandpur	Manipur Area Committee
February 12, 2019	Dholchhora	School hawn